

OFFICE OF THE DISTRICT ELECTION OFFICER  
SAITUAL DISTRICT: SAITUAL

\*\*\*

Saitual, the 23<sup>rd</sup> April, 2024

PRESS RELEASE


General Election to Lok Sabha, 2024 Saitual District-a Polling Party te chetvelnaa Maxicab hman chungchangah inremna ang lo deuha lirthei hman man inpek a awm nia sawiin social media-ah hial mi tlemte lungawi lohna chu tihchhuah a ni a. He thil hi Sawrkar, DC Office leh District hmingchhiat theihna a nih avangin a pawh hle a ni. Hemi chungchangah hian thil awmzia kan hriat tlan a tul avangin insawifiahna chu a hnuai a mi ang hian siam a ni:

Maxicab bik hman chungchangah hian Maxicab Owners Association hruaitute chu inremna siampui an ni a, kum hmasa MLA-2023 inthlana inremna lo siam tawh angin kalpui leh tura inbiakna piah lamah MLA inthlana ni khata hire rate Rs. 5,500/- chu Rs. 6,000/-ah tihsansak an ni. Hemi bakah hian an chaw ei man tur pek an ni bawk.

He inremnaah hian Driver tam zawk chu an lungawi laiin, V Laldusaka, Ngopa Maxicab Driver leh a thurualpui mi pali panga vel ten midang lungawi tawh sa te pawh la lo turin an lo thlem a, mahse a tam zawk hian lungawi takin an pawisa dawn tur chu an la fel vek a. Driver dang thurualpui tur an hmuh zawh tak loh avangin V Laldusaka leh a thurualpuite pawh hian hire man chu an la leh vek tho a, APR pawh an sign thlap bawk a ni. Thu dik ziktluak lo leh thil awmzia dik tak hriat chian a nih hma-in Khawlbawm channel neitu, Lalmingsanga, Hmingtea tia koh bawk, Lunglei Farm Veng chuan You Tube lamah thudik ziktluak lo leh zeldin thu hmangin DC Office chu ar chuk tuilo khawpin min chhuah a. He channel neitu hian thil awmzia a hriat hnuah chuan a video lo siam tawh chu delete-in a sawifiahna video pawh a dah thar leh tawh a ni.

Maxicab driver te hi a theih chin chinah duat leh duhsak an ni a, thlen in chungchangah te, ei leh in chungchangah te harsatna an tawh loh nan leh anmahni Polling Station-a vote an thlak theih nan te an khaw hnaivaia an duty dan tur ruahmansak an ni. Tin, Driver te hi P-2 a an rawn din luh zan tih loh chu an ei leh in man pawh tumsak vek an ni.

Hetianga intihmualphona leh intihmingchhiat tumna hi tun hnu-ah chuan thleng tawh lo se a duhawm hle a. A thleng nawn leh a nih chuan rorelna sang zawk Court-a chin fel tura hma lak a ni ang.

  
(Dr. LALNGURA TLALI)  
District Election Officer  
Saitual District, Saitual